

香嚴尚書壽言
合淝相國壽言



香 香
里 里
恒 恒
國 國
華 華
官 官



香嚴尚書壽言

袁昶撰

中華書局

香嚴尚書壽言

此據漸西村舍叢
刊本排印初編各
叢書僅有此本

香嚴尙書壽言

香嚴尙書督部大公祖大人六十初度壽序代


皇帝嗣位之二十年九夏清宴金甌无缺海外諸國珠槃玉敦互通信使喁喁嬰懷柔輦服莫不享賓劑通約之利戒輕生邊衅之害不意東鄰責言夏洲盜弄蜚蜺列島屢逞陸梁馬營東西遂困多壘士皆投袂將奮同仇廷議以坤一久歷戎行粗爛殘版推擇闔外俾視師榆關管北門之鑰而南洋諸海口島嶼鱗比尤防侵軼非有威重大臣將何以綏靖而鎮撫之蓋當氛祲倏擾之際苟無恢張應變之方略則患生肘腋縣官軍實悉仰東南稍有侵陵杼柚立竭則前敵諸軍雖有帶甲百萬金城千里湯池四塞而無粟無械其將何以持久故節鎮綦重征繕攸資苟非親臣重臣何以堪此宏寄聖上知人之明謀帥之慎特詔移香濤尙書督部大公祖持節蒞止俾坤一得一意星征戒途率師援北倚公爲江介長城驍斬相結嚶羽代飛使節旣至雄規茂略風發泉涌儲峙芻蕘製購仗械招募期門材官習流精手之屬訓集百餘營北控大軍南鞏海防一以多算勝少算粵稽成案雍正乾隆中準部青海兩役大軍出玉關而以劉文正統勳督關內芻蕘軍火蒲昌戒斥候而以黃文襄廷桂綜後路軍務精臺聖主知人善任乃眷股肱倚公深矣旋以兩國棄前嫌修舊好盡戢甲仗置場校平奉命各旋所治上流重寄惟公克肩其任而坤一承望下風亦得以阻勉奉職互相規隨焉今年秋八月爲公六秩攬揆之辰先是歲在丙戌公持節

交廣年正杖鄉以仕履官年差一歲至丁亥秋乃拜御書幅額西藏銅佛執紼御物如意珍果之賜純饌微賞頤性延齡之勝史文靖冠御筵千姿之班今茲杖國明年合拜異數而同官之義自應先期爲卮酒難老之祝禮也公歆歷京外三十五年每遇生日輒援亭林顧先生之例杜門謝客從不以樽酒宴交舊公服古之義篤矣然歐陽文忠年三十官夷陵遇生日真酒舟中作詩自壽幽風有躋堂稱觴之詠漢賜三公爲老更者上尊之酒靈壽木之杖梯几乞言之儀生日頌祝其來舊矣況乎然明國儒之義虎帥以聽當此元封文武名臣欲盡之時祝公長生久視老復丁壯揅拄龜塗之局幹維屯蹇之運此人人之心也事有共塗忠言相告世教寢微冀共扶獎懿戒大年進德匪懈此又朝野喁喁屬望之私心也稱祝之詞僉曰宜哉夫經綸艸昧篤生異人根節盤錯乃別利器公昂宿垂芒德星應曜綺歲馳神童之譽壯年揮經世之業擊精六略范氏墨帳輸其勤甄綜九流何氏學海遜其博少乘贈太僕公義方之教贈公與益陽胡文忠公箠仕黔中同官雅故公就受學問講求經塗發解之日文忠遺贈公書云賢郎得解與韓南溪開口而笑者累日後公督鄂謁文忠祠作詩有敢云驚鈍能爲役差幸心源早得師之句是見公之德器公以巍科列侍從天下仰爲文章山斗今上初元吳柳潭侍御痛念程廟上賓於繼統卽繼嗣之經誼猶有所疑抗疏激烈事關大典登廷集議無所依據公獨据公羊儀禮經文仰稟裕陵御批通鑑御製文集平定陶漢議興獻之閔折永叔溫公伊川之衷詳釋詔指傳以經義羣言糾紛大禮遂定追維同治末年大婚樂章房中三奏又欽定平粵捻方略兩次表文出公手撰詔賜加銜此安石之碎金於平生

爲末事。天顏稱善。輒曰：「奇才，奇才！」是徵公之榮遇。公少服膺河間儀徵兩文達之書，於羣經六藝九流百氏無所不窺。潭思擊精，尤熟史事。典試視學，所至以行學文刊刻條教，蒐勵異材。曾文正嘗歎爲朱筠之視皖學，洪亮吉之督黔學，阮芸台之視浙學，無以踰也。自蜀輟歸，愈潛心宋元儒書，服習朱子，製行修辭，非法不言，非禮不履。浙蜀嶺鄂，經公傳車所歷，翺立經心，尊經廣雅等書院橫舍，口講指畫，四學之目，兼通時務，明體致用。本末兼賅，九能十二材，雲蒸霞蔚，儲爲國器。樂育羣倫，陶冶萬士之意，至深遠矣。是徵公之學術。光緒庚辰，丁令違言，行人失指。天山西徵，蒙部北庭，速賓東境之地，將爲珠厓，議棄鄆，謹不歸。公十上密疏，規陳方略，旋以曾惠敏充使華離之地，劃回職方，兩宮懿旨，特由監局擢公講讀學士。象胥署有大議，輒敕王大臣使公預聞參署之。此公上結審知之始也。泊乎撫管，密薦文武忠良材幹五十九人，多見采納，不次擢用。開府兩廣，防海規越，與彭剛直同心戮力，疏畫方略，電奏機宜。公輒主稿，兩銜拜發。彭公未嘗不稱善。泊乎桂撫徐潘相踵僨事，當是時，嶺西岌岌，太平歸順，南甯等邊郡潰兵紛紛劫掠，兆人瓦解。公密薦以臬使李公秉衡署巡撫，扼龍州南關之險，預籌軍火餉需，密奏派馮軍門子材、王總兵孝祺重整勁旅，禡牙出關，軍聲大振。於是有諒山之捷，拂箠爲之震恐。其外部首相茹勒斐里，乃力持脅戰索償者也。竟爲法人議院所劫退別。公舉首相，翻改前議，遂乞行成，爲自有交涉以來，戰功第一。是役發軔指示之功，人公實主之。而推獎諸將，口不言功，乃尤人情所難能也。瓊甯欽潮虎門橫檔大角沙角大築礮臺，相度險要，仿造西制，屹然巨防。軍火之廠，樓船之務，器師畢陳，巧匠咸集，杜預武庫之稱，萬

亮連珠之製。無以踰之。是徵公之軍謀。毛詩傳云。治民煩則亂。烹魚煩則碎。又語云。十羊九牧。羊不得食。人亦不得息。言不諳治體者。務爲煩碎。則扞格而不可行也。公撫晉之日。禁裁營粟。惟嚴查於播種之時。而三時則否。治井陘道。惟預籌以官款興工。而不擾民捐。治粵。則沙田之事。挫豪強。抑兼井。開瓊州黎母嶺十字路。兵民相安。閭井不擾。鑿銅青硫煤各礦。爲民興利。爭新香六廠急水門之洋藥。緝私不宜授柄於人。治楚。則水旱以時預庀荒政。修荊州大隄。親督鍵薪之役。樊口梁子湖。力主不可妄設閘壩。致受水之區太狹。橫溢爲災。是公之於政體。能導其要領。而溪益不苛也。島裔互市。新法大開。詆之者不曉變通。溺之者目迷彼法。不知我之所短。禮失求野。彼之所長。蛾術可師。公翺立自強學堂。以算務格致方言製造課士。而龍鐵官自然之利。徐文定所未行。鑄銀幣以他拉爲式。林文忠所未竟。立紡紗局織布局。以塞无窮之漏卮。開槍礮局藥廠。以資有備而無患。是公之於時務。能觀其會通。而化裁盡利也。爲大府者。崖岸太峻。則上下之情。閼藩牆不設。則督責之程弛。太剛則折。太柔則廢。文武之道。一弛一張。神而明之。視乎人矣。公官人有法。隨器授任。鼎不可使柱車。馬不可使守閭。言殊器也。千將不可以苴履。明鏡不可以爲甌。言殊用也。公處置庶事。爲地擇人。取將於伍。後常名顯。收士至佐。惟邦之彥。履屐之間。皆得其任。文武孝友。有治內治外之各宜。公入告嘉謨。以此薦賢。爲國亦以此。有時楚材晉用。西將中求。遠規由余金日磾之例。近羅戈登日意格之倫。巧匠材官。多方招致。機廠練軍。次第設施。故選才不拘一格。而藥籠常資兼收。是公之陶冶一世。造就大雅之材也。惟天下之至靜。乃能觀未兆之形。惟天下之至神。乃能弭

方來之患。公上疏力陳。海軍當分南北。閩粵洋爲四大支。若預知有遼東元菟之役者。力陳鐵路當以蘆漢爲正幹。晉陝爲旁支。若預防海州膠州要害。恐爲敵侵。東路轉運。易被阻襲者。在嶺。力陳銀元局鑄錢局之利害。若預料今日錢價涌貴者。公連珠詩云。吾聞淮南子。澹泊以明德。又云。吾聞周易象。自強爲要領。又曰。吾聞齊扁鵲。治疾恨不早。公之建白數十上矣。而施行未及其半。志事猶未盡伸。晉賢每歎事不如意十常八九。然哉然哉。是公之獨居深念。靜觀萬物之理也。坤一責厚事叢。年運而往。自問鷲鈍。豈稱與天馬並驅爭先。惟此殷憂時局。忠赤報國之意。竊不自揆。與公若牛鐸之應黃鐘。昔林少穆。鄧嶠筠。當粵衅驟開之時。互相忠告曰。所不同心者有如海。今艱屯之運。視昔倍之。而康遜之圖。志奢遇詘。公將以明年八月賜壽。稱祝之詞。不敢虛美。敬舉其瑩瑩大者。以厲詩人祝難老之義。勸公三酌上尊之酒。而莊敬日強。進德不懈。如衛武公九十之年。作懿戒之詩。以自儆敕。孳孳未已。是則區區所頌禱者。夫公聞之。想爲欣然晉一卮也。



張大司馬壺公師六秩壽序

皇帝踐阼承穆廟中興之政歲星再周嘉與二三股肱臣龜涉屯蹇黼黻隆平風輪南戒闢黃海紅海黑海而遙璇極四游綰太易太始太初而運滄溟蕩蕩迴瀾仗康世之心組柱義陶治試補天之手則必有慮牟中外障滌山川氣備四時壁立千仞征南偉爲武庫潞國敵忾異人鄭公龜鑑決君國之大疑苦縣龍猶倖至人之無已然後煙燼九夏繁憂樂乎蒼生經緯萬端佐平成於赤縣芒垂昴宿學爲海宗其惟我南皮尚書壺公夫子乎公孺臍道真噓歛元緯審審柴忱貫標璣序粵溯歲在丁亥持節交廣戊年

五十初度因仕履官年差一歲故丁亥秋乃奉敕賜壽其時公年屆杖鄉秩爲始滿

天家錫羨馬人頌德

奎章燦爛佛像莊嚴

放靈壽九節之筇賜上尊十酸之酒杜鑲帶其焉榮蕭繡像而已蔑越歲丙申八月初吉爲我公開第七秩攬揆之簪風行漢廣星朗弧南刁簡公瑞嶽之雲上方霖雨高伯恭德泉之府內暎文明祿亥萬千炳中朝之舊德靈牙十二拜黼座之新綸自影纓高蟬刺蜚螽鸞南棠東社貉隸象胥並績筵宗模鏤助雕壤洪惟我公八成一德出督八州領治內治外之耆名揖足食足兵之本計目營四海而智囊不枉於用道母羣物而履展各適其材占隆棟於中台繁宗臣之上瑞寒松賜榻魏環溪特拜御書頤性天題阮需塘將膺枚卜粵溯贈公僕卿太夫子鶴載祥柯豸巡羅甸戡米魯阿之焰紐鐵貫山鐫武鄉侯之勛鑄銅

伐鼓穹碑恩大。新蠻落之生祠。沈石風清。祝侍郎之昌後。僉以胚胎世惠。麗天星精。燿煥神光。誕祥有自。既而家傳魯論。傳就河汾。於時贈公與胡文忠公同官雅故。公奉爲本師。性銘忠孝。芬揚廿歲。志在汗青。遂乃天下已任。大略獨觀。開函九羊。憶書三篋。金鑲珠囊。機鈴流略。讀破景丁四部。目窮文史三冬。溫公無警枕搢頤。鑄蛟有焚膏達旦。泊乎士衡入洛。蘭成策科。上第鳳雛。措白沙之老眼。一聯鼇背。屑紅餒之瓊牙。動色相趨。忠肝古誼。益復飽閱中祕。粹擷網維。王儉之改編七錄。褚亮之優直三番。平當論議。通明楊億典章。洽執嘗牒。座右曰。兵家盡補能康世。經義咸明迺著書。拜文忠公祠詩曰。差幸心源早得師。其蘊量閎達有如此者。杜史淺放。狐傭已遠。或則索千斛米。或則劫百鍊金。公正例變例。涑水探源。才優識優。中壘定論。潤色則西京鴻業。成一家言。低徊於南史麟編。發三科旨。揚子雲贊太史公書云。不虛美。不隱惡。據事直書。無一曲筆。吾師有焉。又況曠日九英。舉筆規諫。淮西奏雅。直撝貞符。雖樂鳴絃。聿宣風始。仗燕公有大手筆。非西鄂誰鍊都京。於時館臣恭進欽定平粵平捻方略表文。皆公擬進稱旨。磐陀老人直內廷。多經進之藁。琅嬛仙館大著作。爲衆手交推。去彭芸楣之尖新。斥胡石笥之苗軋。祕殿之炬撤金蓮。講筵之書幃錦帕。抒思對命。潭虛羣精。其雍容侍從有如此者。然此猶朝夕論思。而非日月獻納也。聖上改元之五載。嚳詔大禮。魯信少儒國論。蒞茅市殺一閔。公議斟禘祫。炯如韓退之之精。論抉尊親。根據公羊高之誼。平永叔溫公兩挺之同異。折定陶興獻諸議之紛紜。贊定典章。以肅以穆。越明年。丁零之北。睨我西陲。脅我虜使。留犁桐熟。頓寒諾水之盟。斗入碑沈。妄覲造陽之棄。商於挾詐。甌脫思侵。鼂飛羽書。

夕嚴狼望。公四策指陳。十擬手上。謂皮山應回漢節。豈介子怯斬樓蘭。薛米思干。非算灘之敢據。木索爾嶺。矧穹跌之早封。尋復密奏。以會惠敏。改持英蕩。重使穹閭。帖克斯川之境。挈隸職方。阿爾泰山之陰。畫歸亥步。自是聖上眷公。可大受也。迺命以侍講宣力。凡譯署議交涉款約。必令公預聞。參署之。頗牧近直禁庭。留侯密贊前箸。威老上之龍庭。折撻犁之驕子。且渠語塞。尺一書尊。同異兩科。利害三策。古所謂戰勝廟堂。折衝尉候。縱橫版。神清氣勁。朝野賴之。至若呼蘭木葉。烏拉紅鹽。了角米脂。那顏統萬。兵與屯爲互衛。戰與食其交資。祕焚諫草。外廷莫知。筴預綢繆。中留乙覽。其獻替軍謀。有如此者。昔在中葉。士習敝陋。祿利歧於天監。文儒競於永明。切直刊於太和。嶮恠積於嘉祐。天子以公甄鑒。似章陟。清介似高郢。公明似退之。淵洽似長公。遂命出典潮科。督鄂學。蜀試甫竣。星輶復留。自凡海曲瑩珠。荆巖蘊璞。羽獵上林之彥。碧雞金馬之倫。一角磨成。萬飛鳳接。騶駒翦拂。藥物籠收。唐代陸贄。宋世歐陽。方之我公。殆猶遜歟。況乎齋規安定。炳斯文江漢之靈。院拓文翁。錄絕代輜軒之語。囊摺百氏。條別九流。方諸先輩。朱簡河之視皖學。阮文達之視潮學。洪卷施之眎黔學。宏獎人倫。別裁浮僞。使相湘鄉曾公。嘆爲百年以來。得公兼而四之。知言哉。其蒐擢英才。有如此者。抑聞傳經賈董。不儔績於漢侯。相士韋錢。未巡方於唐部。沈詢清粹之望。乃重旌施。盧鈞台閣之風。始班節鉞。公以清切之近臣。試股肱於右輔。當開府山右之日。歲祲水木。星留若華。迺响以蘇甘。穀我士女。崎嶇阪折。夷治井陘。綺錯溝塍。盡瘡驚粟。吏則鵠鵠味濯。民則蟋蠶恩銘。已而置理百粵。保障炎維。靖窟囑於狹徒。控市司於番舶。蜚戶魚姑之糅雜。叢帆蜃閣之迷離。黃

木扶胥。神靈飄雨。蒼梧勞竹。截嶠捎雲。待劑廉平。並勞風曉。公下車之日。鐫陶瓦以代諭。滌簠簋使更新。采柯籙而奠六瀕。絕樗蒲而運百臂。遂令珠源復返。金粟如塵。絲枲班牛之族。警息蒲牢。閑婆柔佛之賓。候迎雁訊。極則鑄銅爲柱。瞰則表海成臺。九泥鞏而鐵牡封。嶺嶠龍而長城屹。粵曩大治。鄂渚後來。控襄郢於上游。吞雲夢者八九。引臨江之沛艾。衆戴番君。揚破竹之新礪。人謳杜父。功砭息壤。執捷薪馮玉之勞。厥誤定秦。樹流枋蔽江之略。開軍器監儲十盞十決之佳兵。績營陣圖震九地九天之妙略。龍山川之礦利。冶自躍金。肱垣殪之精鏐。地不愛寶。大興紡織。衣被者百億萬家。議塞漏卮。鑄鍾者三十六冶。比者朝廷念潢池之弄兵。顧江表以謀帥。恃太真不動聲色。得道濟賢於長城。于時劍及蒲胥。桴推壯武。開命卽行。先機設備。彼縱跳波。曷鱗。我能奪水鯨鯢。鍵吳淞之筦鑰。大好衿喉。扼淮海之碣臺。屹然天塹。虎符十二。銜羽檄以橫飛。犀甲三千。鏖海波而不動。奔車雲屯。築壘霍子九攻之壘。沙隄繩直。開廬龍山八達之楹。轉徐方而潛饋。丕靖驛騶。挽銀河以洗兵。旋逐節鎮。人以爲韞鉈。不避者公之忠。公以爲勤勞。自矢者臣之職。俄而庚桑蒞楚。頌十年畏壘之穰。申伯還南。嫩四牡鉤膺之濯。還我大父諸兄。汾陽僕射。奉爲四時八節。長生太師。其迴翔量寄有如此者。然而文貞竹瓦。未警璋牙。鐵建旌麾。僅馴党項。繫昔甲申之春。公自晉祠入朝。曾值交州構衅。造鄴陳謨。對揚六刻。險度方略。虜盡目中。泊拜命督粵時。則衅生滿月。海沸吹沙。殺懸欲飛。鯨鯢不靖。將軍大樹。方迷衣錦之雲。羅刹重潮。待穀射蛟之弩。觀南關而欲上。替戾岡催。阻東道以難通。富良江闊。公奏進羣材。師行席上。听夕與駐。粵欽使彭剛直公。岡山聚米。晏士張燈。

密薦文武羣材。力抗陸梁強寇。資李藥師之齋糧。護院李舉使。立

陣斬沙車。督王鐵鎗跳棘如飛。北海王領。蘇軍門。老罷當道。不教貉子生還。下瀨聲援。

兼檄樓船暮會。納居翁以諭。甌駱書荒。微而靖。旄牛。章皋之度。鐵橋。狄青之障。銅具。聽飛屋瓦。雨洗炎州。

斯則象龍吹鏡。凱樂之章大奏。未有鯁人懲創。劬侯之徒。灰寒。若此役者也。語在克復諒山。記略中。爲自

有交涉以來。戰功第一。待鑄石於活厓。中興作頌。勒戰功於服嶺。異域來庭。公之建樹閭矣。至乃孤懸瓊

島。與海通波。儋耳崖深。老閉關之大長。毘耶山險。窮帕首之釋刀。豈知黎母。重開。蟲沙淨洗。椰冠化拓。蠻

觸休爭。火種刀耕。洗滌大藤之峽。東。銅青石綠。轉輸富媼之治官。奠錯午於尾閭。關夷庚於指畫。若其鑿

車鳥了。奪羶毘那。赤嵌佛名。毘舍那。憤河伯非外孫。義田橫爲壯士。暗輸犒粟。屢旌軍資。雖朱厓終棄。隔中星正

朔之放。而維州追論。惋悉但垂成之績。是尤江左夷吾。收新亭之涕淚。貴和葛亮。蓄雄略以未伸。其規畫

武功有如此者。且夫關東部洲。未有之利權。塞九瀛海。無形之厄漏。隴種羊而吉貝移於中夏。地用馬而

白撰溢於漢家。肄陰陽權謀。形執技巧。以屈繆直。象由余於戎服。率七陶八冶。九柯十匠。以開監作。據綰

穀於漢皋。飛車則幹徹奇肱。圖法則翔新尙父。楚材晉用。西法中師。河圖播地。啓八萬里。二三級磐石之

精。遁甲開山。驗十九施。廿五種孳生之產。氣函嘯噓。賞辨阿屯。佛郎湧而森興。連珠環而山積。旁羅日月

星辰。水波士石。莫富軒轅首畫之區。贊翊兵刑水火稷契工虞。實翊媯聖中天之治。其損益也。則取材落

實利用前民。其揆張也。則四徹中繩。九變復貫。曾文正之深心偉識。胡益陽之體國公忠。公眞淵契哉。其

匡廬時局有如此者。若夫戛蕤賓之律。感而應商。淬昆吾之金。求而躍冶。謝三字語。據一節見。則百節知。羅卅六英雄。注意相并。注意將廚。及魚龍之數。郭榆案。摘之歸。士求異等茂才。學貴通曉世務。橫韓潮州之校。遠包鹿院全梨。育黃江夏之材。勝開雞籠四館。真性通而氣厚。俾雷奮以雲興。至若茂宏練服。迂案布衾。屏伏波薏苡一車。載武惠圖書萬卷。飲建業水。投錢而導六瞞。食武昌魚。封璩不遺一鮓。後堂無家伎之奉。丈室有青絕之帳。攜獨樂園之竹杖。飯窮塞主之齏鹽。起樓臺以無地。遠人問寇相公起居。鑄寶氣而不私。國論服賈昇州清介。簿書手校。罰二十以上必親。木屑親儲。課分寸之陰日。篤心似當天白日。胸無深阻。樊池。淡言暖帛臺。响座客以登春。謠語生雲谷。接才流以應律。其陶冶羣倫有如此者。況乃門千戶萬。典洽朝章。龍矯蟾騰。儀占地動。一品會昌之集。千秋金鑑之編。汲鵝孔堂。證湛深於高密。上庸嚴季。隘集古於歐陽。何止連珠製。剏君苗筆硯都焚。詎知碎金曲高。太傅餘閒偶事。公之雅志。在曲江風度。贊皇方略。然無心競物。鷹隼休猜。大營平泉。中冷水遞。曲江有性韻。而短於武功。贊皇挾才氣。而微嫌汰侈。公乃集其兩長。去其兩病。後人尙論。定以蘇生爲知言哉。昔在扶陽就侯。元常杖國。令公領笏。文穆鵬觴。雖語祈淪。并彰汗牋。然以視我公。志薄風雲。性超始素。籌優禁脔。柱亘擎天。他日玉瀾堂裏。敕積饒形。千空宴中。首廣進御。粵埴挺紉。斯獨鑠矣。勛伐鐘萬。侯其禪而。剏剏桐出。疊琴爆尾而不焦。汗竹傳經。酒登堂而拜賜。元成公子。研席連跼。朱游門吏。大桁識路。歧門風於鐵瀆。豈任傳衣。駐旌節於蕭姑。叨陪曲譔。竊惟當陽智囊。朝貴或阻其勝算。長沙舞袖。狹區未足以迴旋。史稱謝文靖大人之容。王公之度。而寢

處常有山澤閒儀。人謂李文饒北錢澤潞。西策吐蕃。必帷幄乃展。機衡上略。茲者波澄漢潛。頌鑠肅華。飲菊潭三十石而愈甘。仰炎嶽八千仞以無極。釐召虎之貞瓊。錫祉南邦。瞻司馬之威儀。懽稜西夏。後王深甯。四日皇覽揆予。與董江都鄰州異人。再出腰篋奏南飛一曲。海內知髡。衛垣拱文昌六星。綸扉虛左。天題手敕。

帝念精忠。此日幅巾雅度。拜竹根如意之效。引用裕陵手詔答終陳羣語異時填海成功。解玉帶通犀以賜。何須梨棗。製邵公百八十平格之齡。待拓經綸。龜駟衍大九州維婁之局。